

1º pasu - verifika si bu ta kualifika

Pa konsigi un trabadju pa jovens, bu debe:

- ten peloménu 14 anus di idadi antis di bu komensa trabadju
- konpleta 6ª serie antis di bu komensa trabadju
- ten autorizason pa trabadja na Stádus Unidus (si bu ka ten autorizason, konsulta [pájina di internet di prumuson di jovens imigrantis](#))

Alguns trabadjus ten rekizitus spesial adisional i maioria di oportunidades indikadu li é limitadu pa rezidentis di témpu konpleto na sidadi di Boston.

2º pasu - konpleta bu sertifikadu di saúdi pa bu pididu di autorizason pa trabadjus di jovens. El mestedu sô si bu ten menus di 16 anus óras ki bu komensa trabadju.

Prusesu pa autorizason di trabadju ten txeu pasus, má bu pode komensa ta prienxi bu sertifikadu di saúdi!

Skodji un di kes opsons dibaxu:

- Inprimi pididu di [autorizason di trabadju pa jovens di Massachusetts](#) i pidi un dotor ô enfermera pa sina-l pa autoriza-u pa trabadju.
- Pidi un formulário di skóla/akanpamento na konsultório di bu dotor ku sinatura dijital di dotor. (Dokumentu debi ten menus di un anu)

Bu pode konpleta es pasu ku un anu di antisidensia!

3º pasu - komensa ta djuntu bus dokumentus di integrason

Kada programa ten rekizitus lijeramente diferenti, más bu pode ten serteza di ki bu ta mesti:

- Un prova di identidadi i autorizason di trabadju pa pirmiti ki bu enpregador konpleta verifikason federal I-9 di enpregado.
[Dokumentus ki ta konprova bu identidadi](#)
- Bu número di siguru susial (bu debi konfirma ki nomi ki sta na karton di siguru sosial é igual ki nomi ki bu ta uza na bu aplikason pa trabadju).
- Un dokumentu ki ta prova ma bu sta matrikuladu na skóla.

4º pasu - aplika pa trabadjus/stájius

Djobi oportunidades ki ta atraí-u na [futureBOS](#).

Aplika pa trêns ô más trabadjus i si bu aplika sedu, é más provável pa bu da-du un oferta.

5º pasu - Kontata enpregadores

Óras ki bu sta djobi un trabadju, bu ten ki ser SENPRI PROATIVU!

Txoma ô manda un email pa kontatus di enpreza pa dexe-s sabi ma bu manda bu aplikason i ki bu sta

interesadu na puzison.

Maioria di enpregadoris ta komensa ta toma disizon di kontrata trabadjadoris entri feeveru i junhu. Kontinua ta kontata-s i aplika ti ki es fitxa puzison na fin di junhu/komensu di julhu pa trabadjus di veron pa jovens.

6º pasu - intrevista

Kada trabadju i stájiu pode ten un prusesu diferenti pa intrevista kandidatus i faze ofertas. Óras ki bu ten un oferta pa enpregu bu pode avansa pa prósimu faze: integrason.

7º pasu - resebi i aseita un oferta di trabadju

Parabens, bu resebi un oferta!

- Primeru, aseita oferta.
- Si bu resebi txeu ofertas, skodji kel ki é midjor pa bo i dexe enpregador sabi ma bu sta aseita-l.
- **Ka bu skesi di rekuza kalker otu oferta di trabadju/stájiu ki bu resebi, asin pa bus kolegas tanbê ten oportunitadís di resebi ofertas.**

8º - 10º pasu - Autorizason sinplifikadu di trabadju pa jovens i prusesu di integrason pa trabadjus na sidade i na 'YOU'

Na kazus di trabadjus na departamentos di sidadi di Boston, óras ki bu resebi un oferta, bu pode konpleta prusesu konpleto di kontratasen na un sô vizita pa nos skritório! Sertifika di traze tudu dokumentus indikadu na nos lista di verifikason di dokumentus.

- [Lista di verifikason di dokumentus](#)

**Tudu postu di trabadju di Sidadi di Boston ten indikason di "Successlink - City" na kanpu di programa na FutureBOS **

Si bu ten entri 16-17 anos, [inprimi aplikason pa autorizason di trabadju pa jovens di Massachusetts](#). (Si bu ten entri 14 pa 15 anos di idadi i inda bu ka faze kel li, volta pa 2º pasu)

8º pasu - Konsigi sinatura di enpregador i di pais/enkaregadu di idukason na pididu di autorizason di trabadju pa jovens

- Si bu ten entri 16-17 anos, [inprimi aplikason pa autorizason di trabadju pa jovens di Massachusetts](#). (Si bu ten entri 14 pa 15 anos di idadi i inda bu ka faze kel li, volta pa 2º pasu)
- Leba-l pa bu enpregador i pidi-s pa es prienxi sekson di "prumesa di enpregu".
- Dipos bo ku bus pais ô responsável legal tanbê debi sina kel dokumentu.

[Konsulta tudu pasus pa autorizason di trabajdu pa jovens](#)

9º pasu - manda bu pididu di autorizason pa trabadju pa jovens i konsigi un autorizason El mestedu SÔ si bu ta ten menus di 18 anos óras ki bu komensa trabadju

- Bu konsedjeru akadémiku (si bu ta frekuenta un skóla públiku Charter ô skólas públikus di Boston)
- Bu spesialista prufisional di PIC
- Skritório YEO

Kes sigintis é kes dokumentus nisisários

- Bu pididu pa autorizason pa trabadju ku tudu sinaturas nisisário (inkluindu sinatura di doktor pa kes ki ten 14 i 15 anos).
- Un dokumentu ki ta konprova bu idadi. El pode ser un sertidon di nasimentu, pasaporti ô dokumentu di imigrason. **Si bu ka sta atxa un di kes dokumentos, má bu nasi na sidadi di Boston, 'YEO' podi djuda-u konsigi bu sertidon di nasimentu di grasa.**
- Pa kes ki ten entri 15 i 16 anos - un dokumentu ki ta prova ma bu sta matrikuladu na skóla.
- Pa kes ki ten entri 16 i 17 anos - un dokumentu ki ta prova ma dja bu konpleta 6ª serie.

[Konsulta tudu pasus pa autorizason di trabajdu pa jovens](#)

10º pasu - integrason ku enpregador

Kada enpregador ten rekizitus lijeramenti diferenti pa integrason na trabadju. Nu entantu tudu trabajoris ta iziji-u pa bu furnesi:

- Si bu ten menus di 18 anos - Un [autorizason di trabadju pa jovens](#) pa un enpregu spesífiku, imitidu na anu anterior.
- Dokumentus ki ta konprova bu identidadi i bu autorizason di trabadju, ta pirmiti ki bu enpregador konpleta verifikason federal I-9 di trabadjaror. Pa txeu enpregadores, bu ten ki faze kel li pesualmenti. [Ali lista di dokumentus ki pode sirbi pa es fin.](#)

Bu ten ki konpleta es ultimu pasu logu ki bu aseita oferta di trabadju, vistu ki bu ka ta pode komensa trabadju enkuantu ki bu ka konpleta integrason.

11º pasu - prepara pa trabadju

Bu enpregador ta kontata-u pa email ô pa tilifóni óras ki bu teni autorizason pa komensa trabadju. Bu debe spera ti ki bu enpregador entra en kontatu ku bo pa fla-u ma bu integrason sta konpletu pa bu komensa trabadja.

Si bu ka ten un konta di banku, gósi é óra di abri un! Dipozita bu vensimentu na un konta, ta djuda-u ivita gasta bu dinheru na taxas di troka xékis. Pa más informason sobri abri un konta na banku [konsulta kes perguntas ki ta fazedu más txeu \(FAQ\) li.](#)

[Konsulta tudu pasus pa autorizason di trabajdu pa jovens](#)

Bu mesti ajuda?

Si tudu kel li sta parsi difisil, **KA BU ENTRA EN PÁNIKU!** Ten prufisionals ki ta pagadu pa faze es **trabadju** li. Si bo é un alunu di liseu di BPS, midjor lugar pa komensa é ku **spesialista di kareras na bu skóla.**

[Atxa spesialista dizignadu pa bu skóla](#)

Si bu teni kalker duvida sobri SuccessLink, autorizasons pa trabadju, dokumentus pa integrason, ô si bu ka ta frekuenta un skóla di BPS, favor txoma, manda un email ô vizita skritório di oportunidades i trabadju pa jovens di Boston.